

Media Monitoring

Publication: **Berita Harian – Online**

Circulation/Audience: -

Date: **26 November 2007**

Reference: **Monsoon Cup**

Headline: **Gilmour kagum Seri Paduka**

Gilmour kagum Seri Paduka

Kemudi The Royal Standard muncul juara Piala Pertabalan

YANG di-Pertuan Agong, Tuanku Mizan Zainal Abidin yang bertindak selaku jurumudi pasukan The Royal Standard menjuarai perlumbaan Piala Pertabalan yang berlangsung selama dua hari di Teluk Warisan, Pulau Duyong, Kuala Terengganu, semalam.

Pasukan The Royal Standard mengumpul empat mata untuk mengatasi TMKN Endurance dari Kelantan yang diketuai Tengku Mahkota Kelantan, Tengku Muhammad Faris Petra Sultan Ismail Petra yang mengumpul sembilan mata. Pasukan Pride Angela One yang dianggotai lima wanita menduduki tempat ketiga dengan 13 mata.

Perlumbaan itu juga disertai Timbalan Perdana Menteri, Datuk Seri Najib Razak yang bersama dalam pasukan The Royal Standard yang turut membariskan jaguh kapal layar dunia, Datuk Peter Gilmour bersama ahli perniagaan, Datuk Patrick Lim dan Wan Nordin Wan Abdullah.

Gilmour yang menang tiga tahun berturut-turut dalam pertandingan kapal layar dunia, World Match Racing gembira kerana Tuanku Mizan mampu mengemudi dengan baik sehingga membolehkan pasukan itu muncul juara.

"Saya kagum kerana baginda begitu bersemangat serta mampu mengemudi kapal layar dalam perlumbaan ini," katanya pada majlis penyampaian hadiah di Teluk Warisan, semalam.

Tuanku Mizan yang pertama kali mengambil bahagian dalam pertandingan kapal layar menyatakan keinginan untuk menyertai pertandingan itu musim depan sekali gus mengekalkan kejuaraan.

Perlumbaan dua hari itu adalah kejohanan pemanas badan bagi Piala Monsun yang akan menampilkan penyertaan 15 pasukan.